



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანისის ქართული წარწერა

ანისის ქართული წარწერა 1218, საქართველოს კათოლიკოსის ეტიფანეს განაჩენის ტექსტი, ანისის ქართული მართლმადიდებლური ეკლესიის კედელზე.

აღმოაჩინა ნ. მარმა 1910 ანისის არქეოლ. გათხრების დროს. განაჩენი გამოტანილია ანისის მართლმადიდებელ მოსახლეობასა და ანელ ხუცესთა შორის ატეხილი დავის გამო. წარწერა მოგვითხრობს, რომ დავა გამოიწვია ანისის სამღვდელოების მიერ ანელი მართლმადიდებელი ქართვე. და სომეხი მრევლისათვის საეკლ. მისაცემელთა (ჯვარისწერისას, ნათლობისას, წესის აგებისას) გაძვირებამ. უკმაყოფილო მრევლი ზოგჯერ წირვა-ლოცვასაც აღარ ესწრებოდა. გამწვავებული ურთიერთობის მოგვარება სცადა საქართვე. კათალიკოსმა ეტიფანემ. იგი იძულებული გახდა დაეგმო ხუცების საქციელი და შეემცირობინა საეკლ. მისაცემელთა ოდენობა. ეტიფანეს განაჩენს ხელს აწერს სომეხი ეპისკოპოსი გრიგოლი და ქალაქის ამირა ვაჰრაძე.

ა. ქ. ნ. იმდროინდელი სოც.-ეკონ. ურთიერთობის მნიშვნელოვანი წყაროა. წარწერა ცხადყოფს, რომ საქართვე. სახელმწიფოში შემავალი არაქართ. ტერიტორიების დიოფიზიტური ეკლესიები იერარქიულად ქართლის კათალიკოსზე იყო დამოკიდებული.

ლიტ.: ჯ ა ვ ა ხ ი შ ვ ი ლ ი ივ., სოციალური ბრძოლის ისტორია საქართველოში IX – XIII სს-ში, წგ.: ქართველი ერის ისტორია, წგ. 3, თბ., 1966; Д о н д у а В. Д., К социально-экономической жизни средневековой Грузии по Анийской надписи (1218) Епифания, კრ.: Академия наук СССР академику Н. Я. Марру, М. – Л., 1935; М а р რ Н. Я., Надпись Епифания, католикоса Грузии, «Известия Академии наук», 1910, № 117.
